

Regio unde dicta
Nominata.

Situs.

Soli qualitas.

Imperium majo-
rum.

Urbes.

GRÆCIAM alii aliter diviserunt. Quibus omisſis, Mercatorem noſtrum ſequemur, qui tribus Pinacibus ejus partes graphice nobis & eleganter delineat. In hac autem Tabula tres Graciæ Provincias aſ proponit, *Macedoniam*, *Epirum* & *Achaiam*; proxima *Mœream*: Tertia & poſtrema *Candiam*. Primo loco occurrit *Macedonia*, ampliſſima regio a *Macedone* Rege *Oſiris* filio, alii dicunt *Iovis* & *Thyæ* nomē ſortita: vel ut *Solino* placet, a *Deucalionis* Nepote. *Emathia*, ante dicebatur, *Plin.* & *Trogo* teſtibus. *Pæoniā* primo vocatē ſcribit *Livius*, deinde *Amoniam*, *Edonia* item & *Pieria*, *Solino*. *Bœotiam* quondam dictam ſcribit *Trogus*. Ejus partem *Macetiam* dictam ſcribunt *Steph.* & *Heſychius*; & inde totam regionem nomen accepiffe, refert *Euſtathius* in *Dionyſium*. *Cethum* item in libris *Machab.* ubi legimus *Alexandrum* egreſſum eſſe ex terra *Cethim*. In medio duorum marium *Ionii* ab *Occaſu* & *Ægei* ab *Oriente* deſcribitur: ab *Aquilone* *Dalmatiæ* partem & *Mœſiam* Superiorem: a Meridie *Epirum* & *Achaiam* attingit. Regio circumquaque fertilis: Montibus maximis circumvallata: cujus ora juxta *Ionium* Mare plana, ac nemoroſa eſt: nam tota ea pars *Albania* nunc dicta, quæ ſatis ampla, fertilis & amœna eſt. Auri præterea & Argenti Metallis ſatis dives eſt, atque in ea olim incognitum quoddam Auri genus, teſte *Ariſtotele* inventum eſt: *Asphaltum* quoque iſthic ex venis terræ eruitur. Gignit & *Macedonia* lapidem quem *Pæantiden* vocant. Hunc eundem & concipere & parere, & parturientibus opitulari fama prodiga eſt, ut *Solinus* ſcribit. Hæc eſt *Macedonia* (inquit *Plin.*) terrarum imperio potita quondam: hæc *Aſiam*, *Armeniam*, *Iberiam*, *Albaniam*, *Cappadociam*, *Syriam*, *Ægyptum*, *Taurum*, *Caucaſum* tranſgreſſa: hæc in *Bactris*, *Medis*, *Perſis* dominata, toto Oriente poſſeſſo: hæc etiam *India* victrix, per veſtigia *Liberi Patris* atque *Herculis* vagata: hæc ea dem eſt *Macedonia*, cujus uno die *Paullus* & *Emilius Imperator* noſter *LXXII* urbes direptas vendidit. Tantam differentiam ſortis præſtutere duo homines. *Macedonia* regiones plures in ſe complectitur, inter quas *Theſſalia* quæ nunc *Comenolitari* *Caſtaldo*, præſtantiffima eſt. Urbes *Macedoniæ* olim multæ & nobiles. Hodie præcipuæ ſunt *Theſſalonica*, nunc etiam ut olim frequenter a variis gentibus *Chriſtianis* habitata, & *Judæis*, qui ibi *LXXX* *Synagogas* habere referunt. Sedes hodie *Sangiæ* *Macedonici*, Hic ad juſſum *Beglerbeii*, quoties *Turca* expeditionem aliquam parat. 10 Equites bene armatos habet, quorum C perpetuo penes ſe ſervat in deſenſionem limitis ſui. Huic vicina *Siderocapſa* Metallis Auri celebris, *Pella*, ubi *Gazæ* regiæ cuſtodiebantur, & *Equæ* regiæ ad ſœturam alebantur numero ſupra 3000: *Plin.* & *Str.* prodentibus. *Stagyra* *Ariſtotelis* patria. *Apollonia* in qua *Auguſtus* Cæſar *Græcas* literas didicit. *Dyrachium* quod ante dicebatur *Epidaurus* e regione *Brundufii*: *Aulon*, *Croia*, *Cavalla*. Flumina *Macedoniæ* ſunt poſt *Strymonem* in finibus *Thraciæ* *Axius*, *Erigonus*, *Aliacmon* & *Peleus*. Montes habet *Pelon*, *Oſſam*, *Pindum*, *Nymphæum*, *Athos*, *Athos* ingentem, aſper, aditu perdifficilis, umbras etiam in *Lennum* uſque *Inſulam* proiicit: conſitus eſt *Vite*, *Olea*, *Lauro*, *Myrtho*. Pomis: nunc a *Caloieris* incolitur tanta religione, ut etiam *Turcæ* eo ſolo abſtineant, ſæpe etiam *Monachos* ornent muneribus & *eleemoſynis*.

EPIRUS,